

瓊山縣志

37.017
41
26-76668
1



宣統三年開雕

瓊山縣志

板藏瓊山學校

續修瓊山縣志序

河山鼎革之秋兵燹風霜文物恒多失墮况瓊山居
在海外尤慮風教就衰此縣志之修網羅散失追述
舊聞原有不容辭之責也且身處民國至即民國以
前之事蹟概謝爲不知自茲以往再歷數傳故老無
存即欲修輯成編誰復知其故實者蓋滄桑時局世
變風移環顧茫茫待後守先孰任一髮千鈞之寄乎
先是志局之設當時曾林諸老猶存續修原非難事
因循不果辛亥之變者宿半屬凋零承其役者有粘
璞齋孝廉事經中沮而今則王堯雲廣文靈光巋然
僉謂總纂一職非此老無能爲役也平日學有根柢
凡有關於瓊之事實莫不手自鈔錄及任是職迭次
會議採訪靡遺又兢兢持一保存國粹之心金石藝
文尤多搜輯余雖日與其事特資商確總攬其大要
焉已但當此易代之後補遺訂墜不使海外之文獻
湮沒於蔓草荒煙是猶不幸之幸也夫

前清賜進士出身民國任命政和縣知事古閩李

熙謹序

續修瓊山縣志序

歲在丙辰冬月余視事瓊山適續修縣志編纂將完謀付手民余任剗剗等費今冬告竣例得僭言弁首不揣譎陋詳論其事以垂示後來安能已於言也夫縣志曾經四修迄今六十年矣氣運之變遷政治之改革世教風俗之攸分非深於掌故者不足以考獻徵文成爲信史故此次纂修公舉李君詠午王君堯雲總其事俾專責成從事伊始審定體例參以阮通志廣肇南番諸志擇善以從其舊志之宜編正者則改訂之如海防黎防之分編一則附以洋務一則規以今制其於防守之機宜條議之切實采擇靡遺古

蹟亦爲專編附載詩文俾開卷遂知前人名勝後人題詠足以感發而興起乎人心保存勿替此編正之詳審於舊志者也舊志之有缺畧者則補編之金石原編在雜志寥寥無幾挂一漏百今補編金石志五卷旁搜博采不使佚遺其碑刻銜名足以正舊志職官之訛其當時紀事亦足補舊志建置之漏前人謂金石可以證史非虛語也舊志藝文專載詩文此乾隆以前志乘或有之自章實齋發明義例根據班史阮通志大暢其說專編著述今遵其例編經史子集考鏡學術揭著作之流別分爲二卷列傳有缺漏者亦補之如明夏常卿昇清廉著節生前與陳白沙先

生游白沙有贈詩卒後諭祭舊志不爲立傳是其缺遺此補編之詳審於舊志者也科舉既廢學校斯興籌備立憲始設巡警繼設審判官制之興廢不可不詳綠營遞裁新軍召募兼設統領變八營爲五營兵制之改革國運因之此纂輯之更宜詳審者也惟於輿圖未能延測繪生實地測量留以有待而郡城海口二圖則近日新測量者職官選舉擬編爲表以符院通志之例因限於經濟未及編改以其無關輕重仍存其舊此次續修李君詳爲審定其編輯則王君獨任之分校則與諸君參閱之再閱寒暑始獲藏事余樂觀厥成遂書其事以爲序

中華民國六年秋九月大理周果書於縣署東偏之求是軒

續修瓊山縣志序

瓊山郡首邑也治在郡中故事多登郡志余下車伊始觀風問俗徵府縣各舊志公餘披閱見府志燦然大備獨縣志漫滅無考爲悵然者久之甲寅秋廣匪肆擾因慮夫城垣頽敝樓堞傾圮之不可以禦侮也遂與同僚諸君子謀所以新之是歲鳩工乙卯夏始告成暇輒一登眺曠覽邱文莊海忠介二公故里殊深人以高山景仰之思而其流風遺韻猶足沾溉後人故是邑之羣賢接踵科甲蟬聯者亦倍蓰於他屬殆彬彬乎有海濱鄒魯意焉乃夷考前明及國初止載郡志而邑乘闕如康熙

瓊山縣志

卷首

續修序

四

間始權輿於邑侯潘君嗣是佟侯楊侯續踵而修之遂燦然其大備顧自乾隆十二年後距今又一百八年矣其間之絕而不復續者益深人以文獻無徵之懼且夫縣之有志豈惟是書瑣屑記科名鋪張揚厲侈聲明文物之盛云爾哉必將記事撮要顯微闡幽節孝忠貞人雖微而必載褒譏褒鉞言有大而非夸庶足發揚往行昭示來茲適城工旣竣遂以語邑侯李君午橋集邑之人士鄭學博文彩蔡學博藩輩歲弄其事仲冬之抄書尙未就而余適有陳臬粵西之命行有日矣諸生來請余一言爲序余欣諾焉爰集諸章縫而語之曰邑之

有志猶國之有史所以信今而傳後者也其毋掄揚過而近譽其毋傳訛多而失真其毋俚褻而同稗乘其毋疎畧而誤魯魚義例必精考核必詳是非必當取舍必公庶使生斯長斯而官斯者可考土宜而知勸相因風俗以善裁成而氣節峻嶒文章彪炳與夫德行道義之士經濟篤實之儒亦足使後生小子觀感而興起慕義而向風則斯志之所裨益豈淺鮮哉余行矣諸生其酌古準今考詳論定特具三長備臻眾善俾裒然成帙與府志相輝映焉庶不負余與諸君子相與有成之意也夫是爲序

瓊山縣志

卷首

續修序

五

賜進士出身翰林院編修廣東雷瓊兵備道升撰廣西

按察使司按察使古淪黃鍾音韻

田蘭

鍾音

原序

郡同知 署邑令 潘廷儀

夫志者記也記者寄也物不能以自傳必有所託以傳之是故或得之故老之傳聞或得之文人學士之紀載搜殘補漏而後其事藉以不朽其人託以必傳瓊邑向無專志總附於郡乘以在郡即在邑也郡既有成書矣今復取邑志而枝讐之不鄰於夏日之裘而飽後之飯乎是大不然郡之於邑猶省之於郡也有省志不可無郡志甯有郡志獨可無邑志乎况瓊山爲郡首邑物衆地大非如下州小邑偏僻之邦無多紀載可簡畧以從事也倘舉其大凡存者什九而遺者什一猶且不可况不

瓊山縣志

卷首

原序

六

止什一乎且其間或事多註漏而標目過繁叙次舛錯而繁簡寡當亥豕多訛而年月莫辨令閱者掩卷欲卧誠不可也侯受委攝縣事適奉檄取縣志卒無以應又不能以府志搪塞爰集邑之紳儒開館刻期纂輯而非可以臆爲也溯府志起自唐司徒胄繼而戴學道熺修補於舊志間有同異迨清朝牛太守天宿復較訂重刻以公事繁劇不能親事筆墨屬之教授朱子虛而自總其成今修輯既祖述郡志是豈抱殘守陋拾其唾餘而已哉將必網羅衆說而加以折衷焉可也夫人固有巧於舟車而拙於木蒿者前時著作詎皆毫髮無憾大要

當日見確事真今雖頗有刪補要不離其本根而脫其面目安能蹈空杜撰以駭後人也昔新唐書成歐陽子自謂卷目較省而記事加多論者尙以不能勝舊然則纂輯一事蓋可易言哉雖以孔子之聖猶曰述而不作吾於邑志亦云

又

邑令 佟世南 江寧人

郡邑之有志猶國之有史也王者建極設外史以掌四方之志非徒侈耳目之觀正以寰宇風尚異宜戶口異數其間山川人物土田賦役兵防學校公私室廬井疆坊表建置沿革之類隨時變遷使無志以紀之何以徵往昔而垂奕禩哉瓊山孤懸

瓊山縣志 卷首

原序

七

島嶼邑治附郭向郡有志而縣無志以在郡猶在邑也然海南奇甸地處荒徼歷漢唐宋以來泊明初陞爲府列州縣十三而瓊山居首人文蔚起彬彬有中土風安可無專志以紀其盛況

聖朝車書一統方遣輶軒備考輿圖形勝并天下通志以進茲奉上憲檄行准備部咨取郡縣志書世南一介下吏受事方新爰遵行查幸有海防潘公署理縣事傳集儒學紳衿纂有草稿十二卷分列條緒亦既殫厥經營匠心勞瘁矣世南敢以退食公餘詳加校閱顧誤多亥豕間有註漏繁簡未盡適度品隳或有滋疑因不揣荒愚特幣延名雋焚膏

繼晷或增所未備或訂其未協巨細銖兩同爲商
榘不啻旬櫛宇比韓子所謂覽其緒裁其贅記事
必提其要纂言必鉤其元者準其意以釐正之閱
月餘而竣乃事由茲一邑之風尚所宜戶口所載
以及山川人物土田賦役兵防學校公私室廬井
疆坊表建置沿革皆可按籍而稽洞如列眉指掌
以之徵往古詔來茲不敢謂有功於創始諸賢僅
此兢兢不以風影之談妄希徵信於傳史之微衷
或可以告無罪而邀鑒於高明有識之君子云

又

邑令王贊新安人

天下郡縣之志所以載天下之山川土田以及民

瓊山縣志

卷首

原序

八

風士習貢之輶軒登之

天府輯成一代車書之盛而徵往詔來一於是焉取信
古者小史掌邦國之志志亦史之支派也今
上之四十三年因修明史一事

勅諸閣臣曰史官舞文杜撰顛倒是非多難憑信卿等
公論不可不採是非不可不明人心不可不服

天語巍煥洵千古以來論斷史事第一義用此意以修
史史之良也通此意而修志志之美也凡以昭信
也瓊山爲郡首邑聲明文物於諸邑爲最始於宏
盛於明理學骨鯁如邱海二公炳若日星他如忠
臣孝子義夫節婦及鴻博淵雅之倫亦屢得之傳

聞乃兵燹之後殘缺散失六十餘年卽有志修明者文獻不足亦相仍於無可如何耳贊以歲甲申待罪茲土蒞任之初急求縣志而蕩然無存其見之郡乘者僅存什一於千百太息久之乃欲推本古史折衷羣書下及稗官之記載堃老之傳聞廣搜備考以訂成書而旁午莫及越明年士紳呈舊繕稿二冊前令佟君爲序披而閱之瑕瑜不掩略無倫次蓋欲拾遺補闕以成一家言而未卒業者繼而復得殘編百餘頁創修之姓氏不可考魚魯豕亥註漏尤甚用是集學博先生及紳士之練達老成講求搜剔酌古準今類族辨物於其舊之訛

瓊山縣志

卷首

原序

九

者訂之謬者正之真者揚之賡者抑之至於一切新增非確有援據詢謀僉同不敢妄譽一人妄及一事寧簡毋繁寧嚴毋濫雖列綱分目窮源竟委而計卷不過十計紙不滿千仰體

聖天子所諭修史之意以修志庶幾徵往詔來而取信無窮哉獨是以前人之汗牛充棟數十年來畧不加意而已殘缺散失以至於今今人之殫心竭慮十數年後畧不加意而復殘缺散失以猶夫昔是亦大負余今日纂輯之苦心矣敢以望後之君子

又

教諭 闕必登 南海人

蘇長公有云治法不若治人治人不若治時時者

何風俗是也風俗有盛衰卽以驗政治之得失故古者採風之使屬之太史由來尙矣後世一鄉一邑皆有紀載採輯成書因謂之志而國史因之卽是古者陳詩觀風遺意也瓊山爲郡首邑代有偉人而

清朝邑乘獨缺何與邑侯王公以冀北名宿來宰茲土勵精圖治百廢俱興三年中豁荒糧攤丁米制鋤教耘立會課士不可枚舉尤留意學宮拮据修葺費盡心力落成之後復念邑志風教攸關搜得舊稿二冊相傳貢生王凝機手編前郡丞潘公邑侯佟公雖稍加參訂而註漏尙多未及付梓因董

瓊山縣志

卷首

原序

十

而成之夫侯有風化之任顯微闡幽固侯事也計殘缺相仍積今六十餘年其間潛德懿行弗克著聞及年歲豐嗇政令興革月異而歲不同及今不補後將何考然或一事而揚詡太過或一人而流傳失真或大節而僅著其偏端或一長而卽許其全行不失於誣則失於昧昔人謂修史有五難四患修志亦然而侯無難也無患也以著作之才之學之識旣裕之於早而又守之以虛持之以慎廣之以衆出之以公則一善之嘉一瑕之摘皆天理民彝之不容泯沒而豈有成心於其際也以故廣搜博採卽黯陋如余亦俛勦一得是書也上自天

時下迄地理中而人事無不批郤導窾斟酌得宜
一開卷而闔邑勝概了然心目抑且盛衰之感忠
孝之思道義文章之慕必有油然而興者而侯所爲
轉移風化之微權不於是焉寄之哉他日獻諸
當守守之職方傳之天下後世而無窮而余得附一言
於驥尾其爲榮幸多矣爰拜手而爲之序

又

邑令楊宗秉

司民牧者日與父老子弟相接見而勤勤於簿書
期會之間早夜悚仄掾過不遑雖有異能奇材罔
敢作聰明以亂舊章及其治定功成報績考最實
而核之不過善守成憲克遵條例而已然而

瓊山縣志

卷首

原序

十一

聖人御宇所爲禮樂刑政制度文爲集百世之大成定
一朝之法守法良意美萬世永賴者賅而存焉不
得以爲簿書期會而忽之也何也一疆域也而有
析置有省併一山川也而有闕隘有坊庸土田則
課其荒熟錢糧則稽其贏縮於丁中勻入地畝以
舒畸零於編審永不加賦以慶滋生於積貯權其
有年無年以爲歛散釐其祝號牲幣而爲之秩祀
區其衝繁疲難而爲之養廉爲之賜書廣額以造
人材爲之旌孝表節以隆風化爲之武備以戒不
虞爲之量雨晴陳糴價以備災祲若斯之類盡職
者職盡乎此職官者官乎此值夫案牘紛

賀賀焉祝爲奉行故事迨至珥筆者掣綱分目比
事屬辭而

聖天子知天知人操三重以寡民過心法治法較若畫
一者犁然可睹是故志書之係於吏治洵非淺鮮
也乾隆八年余奉

簡命出武寧調莅瓊臺每堂皇視事命吏檢查舊檔輒
白無有間一有之亦朽爛大半或百蟲攢噪不堪
翻閱因慨然念邑乘自前令藉王獻市肇造以還
迄今垂四十年而此四十年中

聖聖繼承訐謨遠猶沿革損益因時制宜以日臻邇隆
之軌而散見於文案間者不可殫述若不編排整

瓊山縣志

卷首

原序

十一

齊彙輯成帙恐遲之又久事遠年湮將來製錦者
欲考據而惜其無徵都人士之飲和食德淪肌浹
髓率茫然於

湛恩所原起而此邦民風倍變於昔亦無所憑藉以詔
來許可謂非長民者之急務而諉之也歟且數年
來旣熟諳海外民情又蒙各憲訓示得其要領頗
有餘力於是捐廉開局延邑中老成方正諸紳士
採訪覈實按部就班俾四十年之顯謨承烈燦然
明備庶幾一行作吏者兢兢於成憲條例得昭然
見

廟謨之深遠而海濫一二考古之士成書具在可免野

老傳聞之譌并使歷來賢能著績地方日有起色
者亦託此以廕芾棠而緬明德之遠是則區區不
辭不文而亟於纂修之志也若夫增補詳核編次
謹嚴則惟局中諸君子學裕三長才兼五到者勩
余所未逮而其矢公矢慎勿濫勿苛之懷豈惟余
堪其信亦無不可以遍喻闔邑之旒倪也故弁數
言於簡端以爲序

康熙四十三年舊修志姓氏

纂修瓊山縣知縣王贊

號獻甫直隸新安縣人戊午科舉人

參訂瓊山縣教諭關必登

號揆端南海縣人甲子科舉人

舉人

李瑞輝

林儲英

林煥

周景

盧肖賢

林思榮

貢生

吳黃煥

辜峻受

鄺登元

梁王襄

潘之璘

陳餘蘊

潘洪璣

蒙志學

陳政

曾務光

陳儒瑞

周詔

生員

瓊山縣志

卷首

修志姓氏

十四

黃允中

邱珩

何魁宿

劉漢杰

郭九圍

黃燦

符琦

周謹

陳金益

邱岱

黃嘉璧

吳宇惠

辜弘亮

陳廷瑜

鄒宗泗

黃嘉璽

陳九如

謝寶

陳儒瑛

邱士傑

吳荆元

李鍾嶽

蕭瑀

吳姬亮

邱璣

李鍾坭全校閱

乾隆十二年舊修志姓氏

監定護理雷瓊兵備道印務署瓊州府知府于儒

纂修瓊山縣知縣楊宗秉

同修丙辰順天舉人楊纘烈大埔縣人

訂輯原香山縣訓導梁作舟

原肇慶府訓導張玉崧

歲貢生邱璣

拔貢生蕭璋

參校丙辰科舉人陳儒瑛

辛酉科舉人吳冠

乙卯科武舉伍衡文

貢生黃之清

貢生馮涵

貢生黃道高

貢生鄭正捷

瓊山縣志

卷首

修志姓氏

五

生員王森秀

校字童生林秀宇

辦事禮書黃純基

廖道昭

吳學濂

孔興綱

修志姓氏 咸豐五年

監定

特授廣東瓊州府瓊山縣知縣李文烜

纂修

前任雷州府海康縣儒學辛巳 恩科舉人鄭文彩

前任潮州府饒平縣儒學戊子科舉人蔡藩

分纂

甲午科舉人李向桐

欽點知縣籤掣直隸丙辰科進士邱對欣

己酉科舉人陳毓美

恩貢生符顯欽

瓊山縣志 卷首

修志姓氏

六

候選儒學廩貢生張伯琦

參閱

乙酉科拔貢生吳儁

丁酉科拔貢生王廷傳

乙巳科優貢生蕭志健

校對

廩生林鳳舉

廩生周慶齡

童生王光緒

繕寫

廩生鄭天章

廩

生林陽圃

附

生吳蘭修

附

生陳謙尊

附

生陳韶光

附

生符會選

附

生王中馭

附

生王之福

附

生蔡傳綸

附

生羅世珍

附

生陳華斗

採訪

瓊山縣志

卷首

修志姓氏

七

歲

貢

生王德綸

歲

貢

生符子立

歲

貢

生符瑞

恩

貢

生陳德潤

恩

貢

生鄧人龍

廩

生吳為欽

廩

生陳嘉謨

廩

生周慶齡

增

生黃建範

附

生丁希度

附

生崔浚雲

附 附

生馮 麟
生陳有俊

瓊山縣志

卷首

修志姓氏

六

續修瓊山縣志職名

主修瓊崖道尹 朱為潮 梁邁 周沈

瓊山縣知事徐 淦 王道平 周果 馬佩璣

監修 王樹藩 楊慶鱸 林鴻茂 李錦標

總纂 李 熙 王國憲

分纂 劉詒球 曾暉春

評議 王松蕃 唐平章 符瑞開 林大魁 陳濟川

吳友禮 周榮榮 陳 範 丁苑瓊 王邦球

校閱 林鶴年 周伯魴 徐錦泉 黃觀治 王 教

采訪 曾定省 馮先標 唐丙德 馮藻章 周紹文

李春榮 吳粹精 潘文淵 劉澤芬 吳乾毅

瓊山縣志

卷首

職名

九

吳世英 黃雲章 符雲宮 周之藩 張巍範

王國模 王國儒 方以申 周思兼 蔡壽春

續修瓊山縣志

敘例

卷首恭錄訓典阮通志廣州府志俱遵其例但訓令通行天下不下數百條其爲瓊山者不得二三若一切恭錄卷帙浩繁若擇要恭錄未免挂漏此遵江氏藩修肇慶府志例各件訓令分列各門以類相從卷首不錄訓典更爲切要今從其例

志地理以輿圖爲要自司馬氏作史記但知本思譜作表而不知溯夏鼎而爲圖遂使前世形勢名家無由傳後班書精博未能按蕭何所收圖籍得以知天下之戶口阨塞者繪地圖以補前史之缺而三輔黃圖

瓊山縣志

卷首

敘例

三

元和圖志等書皆有書無圖是圖學之亡久矣唐宋方志俱稱圖經其引見於他書者尚有二十餘家目後修地志者皆知仿裴秀開方計里之法按經緯度數以繪地圖然非實地測量度數不能密合今因困於經濟未能延請測繪生以實地測量謹卽近年陸軍部分派測繪員來瓊測量府城海口圖及沿海港汊圖摹繪未知能一一密合否其於山川都圖則庶乎不差矣

方志以地理爲宗而地理以沿革爲本閻氏若璩云沿革不清則紛錯糾輻無從考核山川人物無一不誤其言未盡當矣山川終古長在沿革偶有譌誤後人

得據山川以證正之人物不博采旁搜急爲編次恐更闕數十年湮沒無聞後人何由而知之今續修於沿革有表有考舊志已詳者重爲參校而人物則羅散失不使佚遺以期文獻之足徵

風俗之隆替關乎禮教之盛衰瓊山風俗醇樸士重詩書人知禮義有海濱鄒魯之稱今則日趨日下風俗澆漓間有一二有志之士出而匡救請禁侈奢力挽流失無如相沿既久視爲故然將來千百年之禮教掃地無存人心世道之攸關非細故也

史記有河渠書漢書有溝洫志故後人言地理者重在水利瓊山西路多石山少水田東北瀕海多半鹹田

瓊山縣志

卷首

敘例

三

惟南路沿博冲河以上數十里藉河水爲灌溉其利最溥其餘各都圖陂池溪澗之水亦藉以灌溉一方之田者無不備載源委以防後人閉塞

漢世有明堂圖洛陽宮殿圖此都邑宮室之圖所以儆也然徒工繪事修陳景物無當史裁今於城郭衙署廟壇祠宇專詳典章制度建修之前後規模之變易有序記以備載之概不繪建置之圖以其圖無關重輕也

田賦之書詳於通典會要其定稅徵收之法亦屢變更至明行條鞭之法今不盡改蓋因田作賦有上中下九等之分自古已然瓊山自明嘉靖時清丈田後其

田分數等其科則有鹹淡殷數等不同其徵收之法始則條銀納銀倉米納米繼則折銀以算錢折米以算銀而加耗等雜稅日加一日近則以銀折錢仍取銀徵納以米折銀仍取銀折錢徵納乙兩條銀徵收錢四五千文不等乙斗倉米徵收銀五六兩不等種種積弊爲各縣所未有雖屢奉廷諭酌減每兩銀照兩數加耗一錢每斗米照斗數加耗乙升銀以銀納米以米納不准額外索取無如陽奉陰違吏貪措克藉充宦囊民困橫征怨聲載道而國隨以亡今續修政績咸同以後知縣不修一人職此故也

瓊州四面環海瓊山海口爲通商口岸南洋航路所必

瓊山縣志

卷首

徵例

三

經最爲重要舊志海黎合編此分爲二海防詳注險要附以洋務黎防詳注阨塞與防守之機宜建縣之地點異日有議建置舉而行之化黎爲民永無黎患古蹟專編自阮通志廣州府志南番二縣志已爲詳載附以詩文俾知前賢名勝足以興起乎人心舊志附於建置所收無多今輯專編附以詩文雙行分載以符阮通志例

金石文字當日紀事之作可以證史故歷代有專門金石之學逮清初更盛凡郡縣志乘采取碑刻不使佚遺惟瓊州僻處海外講求金石學者絕少其人瓊山金石采取無多附雜志中不過數篇今廣爲採訪石

刻存者盡收無遺其存已佚文見各家集中者重加采輯編爲五卷其結銜姓名足正官職之誤其創修移易亦足補建置之缺

藝文有志肇自班固歷代修史咸遵其例方志之志藝文下以備私家之著作上以供國史之取裁舊志藝文專選詩文此爲選文之體裁而非志藝文之體例今編分經史子集四部其別有三一曰同纂修之書二曰自撰述之書三曰輯古佚之書其有經前人論定者詳引其說其有自敘作意者采取其文其有書已亡而後人輯略者亦注明其事其有輯前人經說史略編爲年譜不參以已見者其人雖存亦爲采入

此爲表章先賢學術非自作之文集比也至若初修重修三修四修之舊志一一詳載入史部中存前人纂修之舊不沒前善也

周官小史奠系世辨昭穆杜子春注系世爲諸侯卿大夫系本之屬春秋之氏族杜預存之爲世譜是氏族爲古人所最重王儉之百家譜掌諸於官藏於內府傳於後世歐陽修新唐書采據以爲宰相表鄭樵通志亦有氏族略是譜牒之學爲史家所傳述章氏學誠本此爲氏族表法修史之例也但自章氏外方志多不從其例一則恐傷繁瑣一則恐徇私見無當史裁今編各姓世家譜牒詳入藝文史部藉以考姓氏之

源流家族之鼎盛與一縣之文獻攸關尤爲得要
官職選舉原擬列表一因籌款無幾不敷刻費一因明
代貢選無分科年難以列表今仍舊志依部補增
循良政績專紀實功故有此縣則甘棠可留彼縣則綠
故被劾不得以後之偶有失察致沒其前之卓著循
聲若知府馮端本劉尚倫巡道楊文俊皆熱心興學
創修書院添增膏火遇有荒歉捐廉賑濟有實政卓
卓可紀者端本署運司文俊署臬司時皆被劾罷官
尚倫任惠州時亦因事解任然治瓊有遺愛在人原
不可沒粵督張之洞巡海至瓊親閱水師周察險要
撥款創建秀英礮臺派馮子材方長華開山撫黎經
費數十萬爲開瓊以來所未有編其政績原以紀實
亦遵舊志編巡撫朱宏祚王暮王安國之例詳爲立
傳

人物舊志分名賢儒林文苑等傳其名賢傳中有未崇
祀鄉賢者有崇祀鄉賢而本傳不紀學問事功僅數
語者今考廣州府志南番二縣志俱編爲列傳不分
名目謹遵其例刪去名賢儒林文苑等名編爲列傳
舊志有關漏者若明之夏昇清之陳九如其學問事
功實有可稱重爲補傳

列女之名仿於劉向非爲烈女也曹昭則重其學蔡琰
則著其才使爲丈夫亦儒林文苑之選也自唐劉知

幾譏范史之傳蔡琰後世修史奉爲科律專書節烈
有德行文學者概不及焉是不知列字之義也言志
列女專收節義此分爲五孝義殉節旌節貞節守節
據事直書若無特別事迹守志終身者不書其事一
切矢志柏舟清標彤管奉侍尊章撫孤成立等空泛
之語概不著錄若守節不滿三十年不幸短折有十
五年守節者亦爲編輯其有窮苦孀嫠僻處遠鄉無
人表章其事跡者特書苦節二字以別於尋常之守
志也其有才德兼全若丘文莊公唐夫人唐繼善明
經之妻馮銀符秀才之妻黎瑜娘等文學著名閩德
欽仰其詩選入廣東詩海閩秀中擬援劉向列女傳

例補編列傳恐爲俗儒所譏附著於例以垂不朽

續修瓊山縣志總目錄

卷首 序 原序 纂修姓氏 目錄

卷一 輿圖 沿革表 沿革考 星野

輿地志 輿圖 沿革表 沿革考 星野

卷二 輿地志 氣候 風候 潮汐 占歷 疆域

輿地志 氣候 風候 潮汐 占歷 疆域 形勝 風俗 方言 居處 節序

卷三 輿地志 山 崗 川 井泉 水利 物產

輿地志 山 崗 川 井泉 水利 物產

卷四 建置志 城池 公署 學校 鄉飲酒禮

建置志 城池 公署 學校 鄉飲酒禮 書院 學堂 書院田 賓興田

卷五 建置志 壇廟 都市 橋渡

建置志 壇廟 都市 橋渡

卷六 建置志 儲倉 養濟

建置志 儲倉 養濟

卷七 經政志 倉選 祿餉 戶口 土田 籍田

經政志 倉選 祿餉 戶口 土田 籍田 屯田 利則

卷八 經政志 賦役 鹽法 權稅 土貢 新稅

經政志 賦役 鹽法 權稅 土貢 新稅

卷九 經政志 祀典 釋奠 學制

經政志 祀典 釋奠 學制

卷十 經政志 兵制 郵政 電政 船政 警政

經政志 兵制 郵政 電政 船政 警政 習藝所

瓊山縣志 朱首 總目錄

卷十一

海防志 附洋考

卷十二

黎防志

卷十三

古蹟志 城樓臺閣亭堂巷塔
坊表塚墓

卷十四

金石志 唐宋元

卷十五

金石志 明

卷十六

瓊山縣志

卷首

總目錄

二十七

金石志

明

卷十七

金石志

清

卷十八

金石志

清

卷十九

藝文志

經史

卷二十

藝文志

子集

卷二十一

官職志

文職 武職

卷二十二

選舉志

徵辟

進士

舉人

貢選

吏員

卷二十三

官師志

官績

武功

滿宦

流寓

卷二十四

人物志

列傳

忠義

奮勇

孝友

卷二十五

人物志

篤行

卓行

耆舊

隱逸

旌壽

卷二十六

人物志

孝義

殉節

旌節

貞節

卷二十七

人物志

守節

卷首

總目錄

三

卷二十八

雜志

事紀

遺事

紀異